

歷覽無際手探月窟足躡天根閑中今古靜裏乾坤

北京圖書館藏

先儒司馬子

四十二位

光字君實陝州夏縣人宋端明殿大學士左僕射奉詔編資治通鑑三百二十四卷所著有文集八十卷及稽古錄歷年圖考異通曆易說繫辭又有古文孝經注老子道德論注大元經注大學中庸義揚子注文子傳河外詒目書儀家範讀詩話醫問諸書封溫國公謚文正咸淳從祀○宋朱熹贊篤學力行清修苦節有德有言有功有烈紳衣大帶張拱徐趨遺像凜然可肅薄夫

先儒胡子

四十三位

安國字康侯崇安人宋寶文直學士著春秋傳三十卷文集十五卷資治通鑑舉要補遺百卷學者稱武夷先生謚文定正統元年從祀成化二年追封建寧伯○聖門志贊道傳伊洛志奮春秋綱常羽翼名利蜉蝣左氏同源公穀共流並列學宮多士薪樵

先儒楊子 四十四位

時字中立將樂人二程門人宋工部侍郎兼侍讀謚文靖學於二程世稱龜山先生胡宏羅從彥皆其門人所著有三經義解及龜山集行世弘治八年追封將樂伯從祀○聖門志贊英姿夷曠雅志踈踈坐春且酣立雪彌慤憂國計謨繕性實學吾道南矣龜山岳岳

先儒李子 四十五位

侗字愿中劔浦人學於羅從彥隱居不仕朱熹受其業為述延平問答及要說行世學者稱延平先生謚文靖元至正議從祀成化中以配享延平楊時祠萬曆四十二年從祀○李之藻贊學契聖宗靜觀未發有真樞柄為世先覺充養自然若有成法秋月水壺性天灑落

先儒張子 四十六位

栻字敬夫緜竹人宋秘閣修撰知江陵府學於胡宏所著有論語說書詩孟子解太極圖說經世編年諸書學

者稱南軒先生嘉泰謚宣景定二年從祀追封華陽伯○聖門志贊秉靈自天式穀於父學嚴義利才包文武仕道匡世攄忠酬主玉壘錦江共公不朽

先儒陸子 四十七位

九淵字子靜金谿人宋知荆門軍其學主於尊德性別理欲明王伯有易提綱諸經雜說及語錄行世學者稱象山先生嘉定謚文安門人之最著者楊簡袁燮舒璘沈煥嘉靖九年從祀○宋包揚贊辭蔓蝕真會當一正刻百家偽藥千古病發人本心全人性命一洗佛老的傳鄒孟

先儒許子 四十八位

衡字仲平元河內人從姚樞竇默聞程朱之學仕元中書右丞贈司徒謚文正封魏國公學者稱魯齋先生皇慶二年從祀○宋濂贊濂洛之學傳自武夷重輝疊照日星昭垂逮我許公尊聞行知若親樞衣寒泉之麋張皇幽渺釐析毫絲如臯陶淑問畢其情辭如后羿注矢不失其馳既入閩域遂升堂基橫經胄監矜佩鏘如祛

其人私瞞其天彙釋其偏岐挽其九衢德成材達昭用於時黼黻帝治甄陶泰熙明體適用公實庶幾無德弗報四海祝尸嗚呼許公百世之師

先儒胡子 四十九位

居仁字叔心餘干人 國朝布衣受學吳與弼世稱敬齋先生所著有居業錄敬齋集萬曆十二年從祀補謚文敬○聖門志贊翼翼叔心絕俗高蹈學則為已治則王道泌之洋洋從吾所好青青子衿是則是效

右東廡前朝之祀凡五十三位共十三壇今四十九位

分十六壇舊有顏何荀況劉向王肅杜預今黜其鄭衆

盧植服虔改祀於鄉曾點孔鯉改入啓聖祠從祀凡損

十人增杜子春胡安國楊時李侗陸九淵胡居仁六人

西廡 四十八位內先賢二十九位先儒十九位

先賢宓子 一位

不齊字子賤魯人唐開元贈單父伯宋大中祥符進侯○宋高宗御製贊君子若人單父之政引肘寤君放魚稟令傳郭勿獲遂能制命百代理邑用規觀政 温仲舒贊天生良材為魯君子堂上琴作邑中民治伍人致逸受教成美展禮 崇賢疏封有煒

先賢公冶子 二位

長字子長史記齊人索隱曰家語云魯人名萇范甯云字子芝唐開元追封莒伯宋大中祥符加封高密侯○宋高宗御製贊子長宏度高出倫輩雖在縲紲知非其罪純德備行夫子所采以子妻之尤知英槩 向敏中贊德行貞純公冶執倫本非其罪枉拘厥身 魯堂推善孔門配姻俾侯之貴久而彌新

先賢公析子 三位

哀字季沉齊人史記作公皙哀字季次索隱云一作公析克唐追封郕伯宋大中祥符加封北海侯○宋高宗

御製贊周衰偽隆政在羣公廉耻道微家臣聿崇不為
屈節橋默自容子於是時凜然清風 寇準贊賢哉季
次履潔居貞卷懷不仕家臣自輕素王
攸歎式昭令名封巒均慶侯祉疏榮

先賢高子 四位

柴字子羔史記衛人家語齊人高氏別族唐追封其伯
宋大中祥符加封共城侯○宋高宗御製贊婉彼子羔
受業先聖宗廟之間一出乎正克篤於孝非愚乃令師
知其生有輝賢行 晁迥贊猗歟子羔孝心篤矣慎終
銜恤未嘗見齒難能而能君
子知已考古褒崇於斯為美

先賢樊子 五位

須字子遲家語魯人鄭云齊人唐追封樊伯宋大中祥
符加封益都侯○宋高宗御製贊養才以道聖人兼濟
始謂非仁問辯良喜寓志農圃以睽仁義學稼之辭豈
姑舍是 楊億贊學優乃仕齒于家陪戎車為右誓眾
靡回質疑辯問仁智既
該建侯追榮垂裕方來

先賢公西子 六位

赤字子華魯人唐追封郛伯宋大中祥符加封鉅野侯
○宋高宗御製贊學者行道敝緼亦稱使齊光華偶為
肥輕周急之言君子所令答問允嚴理著先經 王嗣
崇贊翊聖賢者徂徠之英謙言小相終成大名立朝儒
雅出使光榮佐佑
禮法諸侯作程

先賢梁子 七位

鱣史記註云一作鯉字叔魚家語齊人唐追封梁伯宋
大中祥符加封千乘侯○宋高宗御製贊室家壯年無
子則逐見於信史全齊之俗原本厥初師言可復以學
則知揆之宜篤 周起贊玄聖舊邦森然精爽於惟子
魚式瞻遺像紀號停鑿侯封
錫壤儒道有光百王所仰

先賢冉子 八位

孺史記字子魯一作曾家語作冉儒魯人字子魚唐追
封紀伯宋大中祥符加封臨沂侯○宋高宗御製贊紀

伯子魯聖學是務勵已斯約好問乃裕周旋中規容止
可度允矣昔賢後世所慕 李維贊聖人之道一以貫
之允矣子魯堂奧斯窺惟帝登岱
克陳上儀追封侯社沂水之湄

先賢伯子 九位

虞家語字楷一作子析史記字子折魯人唐追封聊伯
宋大中祥符加封沐陽侯○宋高宗御製贊有懷子折
全魯之彥儒行既名聊伯乃建兢兢受道奕奕峩弁懿
選嘉封世享馨薦 王曾贊肅肅魯堂先先闕里伯氏
達者克肖夫子運偶慶成禮
崇追美後學式瞻高山仰止

先賢冉子 十位

季字子產魯人唐追封東平伯宋大中祥符加封諸城
侯○宋高宗御製贊東平子產姓著盛時奉師於塾講
道之微荅問甚敏淵妙以思升降陛廉尚想英姿 李
維贊冉子挺生鍾是純粹游聖之門切磨道義時邁升
中禮成肆類錫壤
諸城式昭遺懿

先賢漆雕子 十一位

史記哆字子歛鄭云魯人家語作漆雕後唐追封武城
伯宋大中祥符加封濮陽侯○宋高宗御製贊子歛受
封爰居武城疊疊其間翩翩其英樞衣時習願學日明
誕敷孔教爵里疏榮 戚綸贊闕里稱賢哆也其一學
以適道名參入室昔為達者今
逢聖日俾侯濮陽膺茲寵秩

先賢漆雕子 十二位

史記徒父家語作漆雕從字子文高宗贊作子期魯人
唐追封須句伯宋大中祥符加封高苑侯○宋高宗御
製贊遐思子期挾策聖惟涉道是嗜微爵可縻在德既
賢在名乃垂洋洋之風逮今四馳 陳彭年贊受教聖
人服勤墳籍如彼時術故能日益元封
慶成介圭近錫圖形繪素鏤美金石

先賢商子 十三位

澤家語作字子秀史記作子季魯人唐追封睢陽伯宋
大中祥符加封鄒平侯○宋高宗御製贊邈矣子季睢

陽是伯屏息受業延教登席未踐四科固涉六籍祀典載之好是正直刁術贊子季從師服膺儒雅闕里垂名同於達者昔寵睢陽今旌鄒野運偶登封薦臻純嘏

先賢任子 十四位

不齊家語字子選史記字選楚人唐追封任城伯宋大中祥符加封當陽侯○宋高宗御製贊任城建伯其表曰選淑問雅馳才華清遠競辰力行愛日勉孔教崇崇令緒顯顯陳充贊荆山誕粹賢生其中服膺數仍誠明感通地邇長坂爵加素風虔遵祀典列在儒宮

先賢公良子 十五位

儒字子正史記作孺張智贊稱子幼陳人唐追封東牟伯宋大觀加封牟平侯○宋張智贊子幼真賢從師尼父服膺大猷希跡好古詩書菑畬仁義干櫓匡蒲之役展也孔武

先賢公肩子 十六位

家語公肩定字子仲史記作公堅定字子中文翁圖亦作子中鄭云魯人或曰晉人唐追封新田伯宋大觀加封梁父侯○聖門志贊及門受業率稱昇能子中樂道左準右繩賜墻可跂由堂同升致志景迹外彪中弼

先賢鄒子 十七位

史記鄒單字子家徐廣曰一云鄒單唐追封銅鞮伯宋大觀加封聊城侯按史記有鄒單無懸亶家語有懸亶無鄒單疑卽一人以姓名相近而誤也其字則史記曰子家家語曰子象字亦相類何孟春以為宜補贈懸亶爵號列諸從祀張朝瑞以為宜從家語祀懸亶而罷鄒單存其說以侯考亶一作豐○聖門志贊子家學孔容與不忒思以誠凝行將道翼涉彼玄津馳於聖域遠哉偉器惟陶斯埴

先賢罕父子 十八位

史記罕父黑字子索家語作宰父黑字索一字子黑魯人唐追封乘丘伯宋大觀加封祈鄉侯按氏族畧無罕父氏止有宰父氏其注云孔子弟子有宰父黑則宜從家語稱宰父子○聖門志贊懿彼名胄因官為姓敬

以來行銳然希聖四教不騫六
莠惟競庶幾達者有道就正

先賢榮子 十九位

史記旂字子祺家語作祈魯人唐追封零婁伯宋大中
祥符加封厭次侯○宋高宗御製贊伯茲零婁務學實
著二千之徒七十是預匪善莫行惟德乃據紀於前書
式彰厥譽 梅詢贊聖人之門學者先先彼美子祺行
修志淳異端茲害微言服
勤格於我宋侯封是新

先賢左人子 二十位

史記左人郢字行家語作左郢字子行魯人唐追封臨
淄伯宋大中祥符加封南華侯○宋高宗御製贊伯彼
臨淄左行稱賢踰蹤十哲秀穎三千心
悅誠服家至戶傳樂只君子文聲益宣

先賢鄭子 二十一位

史記鄭國字子徒正義曰家語薛邦字徒史記避高祖
諱薛字與鄭字誤也然則當稱先賢薛子矣今未敢擅

改也魯人唐追封榮陽伯宋大中祥符加封胸山侯○
宋高宗御製贊伯夫榮陽實惟令德優入聖門過不留
跡道以目傳妙則心識猗歎偉歎後代之則 陳知微
贊懿彼子徒挺生闕里日遊聖門躬授微旨德音孔昭
令聞不已疏爵
胸山式旌遺美

先賢原子 二十二位

亢字子抗見闕里志家語作原桃字子籍文翁圖字籍
史記作原亢籍正義亢作亢魯人唐追封萊蕪伯宋大
中祥符加封樂平侯○聖門志贊不學將落聞道貴早
斯人穎異動輒有造身遊馨渚志契闡奧名誰與偕洋
道 洋聖

先賢廉子 二十三位

絜史記字庸家語字子庸一作子曹鄭云衛人唐追封
莒父伯宋大觀加封胙城侯○宋高宗御製贊兄弟之
邦士有廉庸涵泳素教表揭儒宗杏壇
探賸沫泗從容作與一時莒父其封

先賢叔仲子 二十四位

會字子期文翁圖作噲家語魯人鄭云晉人唐追封瑕丘伯宋大中祥符加封博平侯○宋高宗御製贊瑕丘祥邑子期是為親訓有日廣業於時四教允隆五常以持比肩傑俊聞望斯垂 劉錯贊斯文有宗吾道不窮 執筆迭侍惟賢比崇少成習貫 函丈順風東巡駐驛需澤儒宮

先賢邾子 二十五位

史記邾異字子欽家語作邾選文翁圖作國選蓋亦避漢諱當稱曰先賢邾子然未敢擅改也魯人唐追封平陸伯宋大中祥符加封高唐侯○宋高宗御製贊彼美邾子先聖是承墻仞已及堂陛將升良玉斯琢寒水必冰錫壤平陸茂實騫騰 陳謏贊展矣子欽孔門高弟模範將聖博約六藝斯謂達者顯於當世追封列侯流芳永裔

先賢公西子 二十六位

公西輿字子上魯人家語及子由古史皆同史記作公西輿如唐追封重丘伯宋大觀加封臨胸侯○宋范雎贊鍾美齊疆從師魯國展矣斯人道臻聖域 禮墨金繩慶敷文德薦享侯封永光廟食

先賢陳子 二十七位

亢字子亢一字子禽陳人唐追封頓伯宋大中祥符加封南頓侯○宋高宗御製贊惟禽之問從容其鯉求以異聞詩禮云爾請一得三誠退而喜且知將聖不私其子 趙昌言贊於美子禽伏膺尼父問一得三垂訓千古名由實實德以位序 運屬封巒爵封介士

先賢琴子 二十八位

牢家語字子開一字張文翁圖一字子張衛人唐追封南陵伯宋大中祥符進封頓丘侯政和改封陽平侯○宋高宗御製贊多能鄙事聖人曲意惟其細之是以不試宗魯雖友弔必以義尚師嘉言祀亦闕替 宋綬贊反魯之始從師去里不仕故藝善言攸紀 非義罷弔崇仁為美銘嶽益封用旌君子

先賢步叔子 二十九位

乘字子車齊人唐追封淳于伯宋大中祥符加封博昌侯○宋高宗御製贊勉勉子車封邑淳于親炙避席雅諾趨隅發微既博雅道是扶柳可尚也不亦美乎張象中贊聖人之門子車服勤學以時晉道宜以新數仍爰處函丈是親追封遺烈旌美儒臣

先儒左丘子 三十位

明魯人傳春秋杜預以為受經於仲尼唐貞觀從祀宋大中祥符贈瑕丘伯政和改中都伯嘉靖中釐改稱先儒後同○宋理宗御製贊猗歟左氏聞道素王依經作傳微旨用彰詞有餘韻人希末光慶封錫壤廣魯之疆

先儒公羊子 三十一位

高齊人傳春秋或云子夏門人唐貞觀從祀宋大中祥符追封臨淄伯○宋是迥贊高也解經辯惑咸服學宮所傳齊名左穀追獎肇封衆心允屬闕典彌縫斯文載郁

先儒伏子 三十二位

勝字子賤鄒平人正義云即子賤之後為秦博士壁藏尚書至漢初傳鼂錯後有大小夏侯之學唐貞觀從祀宋大中祥符追封乘氏伯○宋楊億贊伏生明經為秦博士祖習微言流離耄齒壁藏其文口授厥旨建號旌儒錫封仁里

先儒子國子 三十三位

安國字子國孔子十一世孫漢臨淮太守傳尚書古文授都尉朝又訓古文論語作孝經傳及集孔子家語唐貞觀從祀宋大中祥符追封曲阜伯○宋錢惟演贊顯臨淮聖人之系訓傳遺文克示永世繪像廟庭聿章善繼東巡受封是為褒異

先儒董子 三十四位

仲舒廣川人漢江都膠西王相其學推明孔氏抑黜百家所著有春秋繁露數十篇天人三策及上疏條教百

二十三篇元至順元年從祀後廢洪武二十九年封江都伯從祀成化二年改封廣川伯○聖門志贊嬴秦灰燼炎精始然奮業下帷志不窺園天人方對江都遂遷一代醇儒世濟其賢

先儒王子 三十五位

通字仲淹龍門人隋文帝仁壽中遊長安奏太平策不用隱居河汾累徵不就著禮論樂論各十卷續書二十五卷續詩贊易各十卷元經十五卷中說十卷門人私謚曰文中子嘉靖九年從祀○聖門志贊稟靈博達潛心典墳策上太平教洽河汾憂厯皇綱羽翼斯文房魏繩之有光龍門

先儒周子 三十六位

惇願字茂叔道州營道人宋虞部郎中廣南東路提點刑獄著太極圖通書二程受其學學者稱濂溪先生嘉定謚亮淳祐封汝南伯從祀元至順加封道國公○宋朱熹贊道喪千載聖遠言湮不有先覺孰開我人書不盡言圖不盡意風月無邊庭草艾翠

先儒歐陽子 三十七位

修字永叔廬陵人宋叅知政事太子少師贈兗國公謚文忠所著有易童子問二卷詩本義十四卷唐本紀表志七十五卷五代史七十四卷及文集雜著行世嘉靖九年從祀○聖門志贊畫荻受學羅浮崇雅道契孟韓文追班馬朋黨有辨史筆豈假龍圖元老命世長者

先儒張子 三十八位

載字子厚鄆人宋同知太常禮院著東西銘正蒙學者稱橫渠先生嘉定謚明淳祐封鄆伯從祀○宋朱熹贊蚤脫孫吳晚逃佛老勇撤臯比一變至道精思力踐妙契疾書訂頑之訓示我廣居

先儒程子 三十九位

顥字正叔顯弟宋崇政殿說書著易傳春秋傳學者稱伊川先生其門人著者有謝良佐游酢呂大臨大鈞尹焞楊時嘉定謚正淳祐追封伊陽伯從祀元至順二年加封洛國公○宋朱熹贊規圓矩方繩直準平允矣君

君子展也大成布帛之文菽粟之味知德者希孰識其貴

先儒胡子 四十二位

瑗字翼之泰州海陵人宋太常博士天章閣侍讀謚文昭蘇胡學規為世所稱其遺書有胡氏口義學者稱安定先生嘉靖九年從祀○宋范仲淹贊天地儲精山川毓秀孔孟衣鉢蘇湖領袖道學正傳體用善誘雅飭化風澤流于後

先儒朱子 四十一位

熹字元晦婺源人學於李侂集諸儒大成所著有易本義啓蒙著卦考誤詩集傳論孟集註學庸章句或問太極圖通書西銘解楚辭集註辨證韓文考異所編次有論孟集議孟子精要中庸輯答孝經刊誤通鑑綱目名臣言行錄家禮小學近思錄程氏遺書伊洛淵源儀禮通解其門人著者黃榦李燾劉燾張洽陳淳李方子黃灝輔廣蔡沈仕宋煥章周待制嘉定謚文贈寶文直學寶慶贈太師信國公紹定改徽國淳祐從祀元至正改

封齊國公○元吳澄贊義理玄微繭絲牛毛心胸開豁海濶天高豪傑之才聖賢之學景星慶雲泰山喬嶽

先儒呂子 四十二位

祖謙字伯恭婺州人宋南渡倡道東南所著有春秋博議讀詩紀易說書說閨範官箴辯志錄大事記宋朝文鑑世稱東萊先生任終著作郎嘉泰謚成嘉熙改謚忠亮景定二年追封開封伯從祀○聖門志贊敏才獻質博學宏詞秘獵千古蘇轍四時朱張則友關洛我師中原文獻東浙蔡著

先儒蔡子 四十三位

沈字仲默建陽人元定次子學於晦庵隱居不仕所著有書傳及洪範皇極內篇世稱九峰先生正統元年從祀成化三年追封崇安伯謚文正○聖門志贊近述父師遠崇聖賢洪範衍數洛誥著篇探賸索隱發微鈞玄帝典王謨匪公誰詮

先儒羅子 四十四位 依部文真此別有考定

從彥字仲素南劍州人受學於楊時仕博羅主簿所著有遵堯錄春秋解及指明毛詩解中庸語孟說學者稱豫章先生淳熙七年謚文質萬曆四十二年從祀○李之藻贊聞道汗浹不虛此生任重詣極潛思力行羅浮高隱山斗並欽遵堯有錄周孔之心

先儒真子 四十五位

德秀字景元更字希元浦城人宋參知政事謚文忠其學宗朱子所著有大學衍義讀書記文章正宗唐書考疑心政二經西山甲乙稿對越甲乙集經筵講義端平廟議獻忠集江東救荒錄清源雜志星沙集志學者稱西山先生正統元年從祀成化三年追封浦城伯○聖門志贊玉立長身鍾呂大器骯髒詞翰沉潛仁義黨錮既開善彙復熾斯文正宗千秋赤幟

先儒薛子 四十六位

瑄字德溫河津人國朝禮部侍郎兼閣學謚文清所著有讀書錄河汾集學者稱敬軒先生隆慶五年從祀

○楊廉贊本朝理學實始于公求之于宋若濂溪翁誰得其傳欲考無從復性之教最為有功孔孟程朱平生所宗讀書有錄無理不窮大露天機豁我顛蒙

先儒王子 四十七位

守仁字伯安餘姚人兵部尚書新建伯贈侯謚文成學以致良知為宗所著有傳習錄及文成全集學者稱陽明先生萬曆十二年從祀○聖門志贊蟻屈龍場獄寃性術一脉良知千載先覺武戡溥戊學幟虔吉傳習有訓斯文

先儒陳子 四十八位

獻章字公甫新會人聘授翰林檢討不就學者稱白沙先生所著有白沙集萬曆十二年從祀○楊廉贊有評象山吾嘗竊識儒以為禪佛謂無是公學所期自得為至箋經著書非其所事平生議論詩以見意此即語錄無所隱秘堯夫法門懷卷遁世

右西廡前朝之祀凡五十三位共十三壇今四十八位
分十六壇舊有公伯寮秦冉戴聖賈逵馬融何休王弼
今俱黜而遷瑗林放鄭玄范甯及宣德間增祀之吳澄
俱改祀於鄉顏無繇改入啓聖祠配享文去申黨共損
十四人益董仲舒歐陽修胡瑗羅從彥呂祖謙真德秀
薛瑄王守仁陳獻章九人

家語衛將軍文子問於子貢曰吾聞孔子之施教也先
之以詩書導之以孝弟說之以仁義觀之以禮樂然後
成之以文德升堂入室者七十餘人其孰爲賢子貢曰
夫能夙興夜寐諷誦崇禮行不貳過稱言不苟是顏回

之行也在貧如客使其臣如借不遷怒不深怨不錄舊
罪是冉雍之行也不畏彊禦不侮矜寡其言循性材任
治戎是仲由之行也恭老卹幼不忘賓旅好學博藝省
物而勤是冉求之行也齊莊而能肅志通而好禮擯相
兩君之事篤而有節是公西赤之行也滿而不盈實而
若虛過之如不及其德敦其於人無所不信其驕人也
常以浩浩是曾參之行也美功不伐貴位不喜不侮不
佚不做無告是顓孫師之行也送迎必敬上交下接若
截焉是卜商之行也貴之不喜賤之不怒苟利於民矣
廉於行已足澹臺滅明之行也先成其慮及事而用之

故動則不忘是言偃之行也獨居思仁公言仁義其於詩也一邱三復白圭是南宮縚之行也自見孔子出入於戶未嘗越履往來過之足不履影啓蟄不殺方長不拆執親之喪泣血三年未嘗見齒是高柴之行也又史記令尹子西謂楚昭王曰王之使使諸侯有如子貢者乎輔相有如顏回者乎將率有如子路者乎官尹有如宰予者乎其他評騭大氏載在論語而其顯有年名事跡者自遷史所紀三十五人而外亦不多見緣夫尼山誕聖英哲颺從化雨春風鼓鑄自異諸皆出爲國華潛爲士楷宮墻俎豆有其舉之庸可得而廢手又考孔叢

子載孔子四友顏回胥附端木賜奔輶顓孫師先後仲由禦侮尸子云仲尼志意不立子路侍儀服不修公西華侍禮不習子貢侍辭不辯宰我侍忘忽古今顏回侍節小物冉伯牛侍則皆功資聖學所謂七十子鑄孔子者殆非虛語而諸賢其尤爲表表者所以十哲之祀視之兩廡稍存差別然而宰我冉有與夫補入子張之祀世猶得而議焉南宋咸淳升躋顏子議者欲晉有若以補十哲祭酒某獨特異議遂躋子張夫孔子歿子夏子游子張欲事有若茲令張也升堂而迴視所欲北面之有若乃在廡下於義或不安乎蔡氏清亦云然且謂晉

子張抑有若崇冉求未服萬世士人之心而鄭氏曉王氏世貞亦不滿於求我堂上之祀鄭謂宜晉有若及公西赤王謂宜晉有若及南宮适其言各有所據雖然十哲亦何爲者是乃陳蔡共難一時之目非聖門定評也聖門定評則家語子貢之論殆庶幾焉而開元君臣初不深考第祀所謂十哲旋附曾子位於十哲之次以與二十一賢並祀其餘弟子有繪無祀五代因之迨宋通祀諸賢於兩廡而十哲名目似可毋設乃復因仍舊貫堂廡區分晉哲於配晉廡於哲欲取盈於十人之數夫唐增曾子旣已溢爲十一宋躋顏子何妨額儉九人要

之據禮參詳哲廡不須強別並是千古師儒欽崇秩祀而後學更評優劣榮辱施之神其歆此否乎惟是弟子闕遺有可議者左傳昭公七年孟僖子屬說與何忌於夫子而學禮焉故孟懿子與南宮敬叔師事仲尼則何忌固弟子也論語注孺悲嘗學士喪禮於孔子是悲亦弟子無疑而家語懸亶張氏朝瑞謂卽史記之鄒單一字子家一字子象字亦相類宜從家語祀亶而去單理或宜然秦冉顏何以不見於家語故裁然顏喬之推真卿俱稱孔門顏氏有八若去顏何則繇回刻辛噲僕祖僅得七人不滿八人之數又史記載顏何字冉索隱注

引家語字稱此則家語原有顏何不當黜祀明也其秦冉顏何疑爲字畫相訛亦屬臆度不可爲據至於公孫尼子作樂記緇衣篇業已吐辭爲經而庶祀未暨是可不謂闕典乎哉又鄉飲禮有序點公罔之裘與子路比肩揚觶或亦弟子之列併論語所載孟武伯林放孟子所述牧皮似皆及門之士而歷代封祀率未詳及其近世儒先屢議未決者在唐有孔穎達宋有范仲淹游酢謝良佐呂大臨胡宏魏了翁楊簡元有劉因金履祥國朝有陳真晟章懋羅倫曹端吳與弼羅洪先鄒守益湛若水王良大都尚需論定茲不具述又有謂諸葛亮

文天祥亦堪從祀者夫文山成仁取義不愧孔孟武侯澹泊寧靜學術無疵但於承先啓後之功未知何若而武侯輔蜀戎馬劬勩其於儒術表章曾不若黃初一詔猶知悉祀以此而觀侑祀孔庭恐其心尚有所未安也考定兩廡位次疏

藻按四配十哲兩廡其祀分爲三則似以道德爲之甲乙夫十哲之必賢於兩廡也非末學所敢深論矣至於同在兩廡考其次序固宜德同論世世同論齒然而亦不盡然史記所載有子少孔子十二歲蓋自顏路而下半年似最長乃在東第七位居其上者尚有十二人公孫子石少孔子

五十三歲年似最少乃在東第十一位居其下者尚有四十人此猶云史有年歲者僅三十五人其餘不可得而考也澹臺子羽東第一位少孔子三十九歲宓子賤西第一位少孔子四十九歲其年皆少次東二位原思西二位公冶長東三位南宮子縉西二位公哲哀史不載年姑置弗論至東四位商子木則少孔子二十九歲西四位高子羔則少孔子二十歲其年固皆長於第一人也而倒置乃爾此類甚多是又未盡論齒不審位次終奚據也如以爲據家語七十二子之序則家語首子羽次子羔子賤樊遲有子子華原思如以爲遵闕里志則其志首子羽次子賤南

宮公冶原思公哲如以爲循史記則自子羽至子開同者不過九人此後亦復更置且史記所載自子石以右三十五人顯有年名聞見於書傳者爲一列自冉子產以後不見書傳者四十二人又爲一列固未可據其先後卽以定諸賢之位次如謂稍以德業差序則尚論二千年以上載籍湮滅嘉言懿行大率無徵意自開元從祀之初原未加意考定亦不依據何書漫入祠令遂爾歷代相沿今則載之令典又經嘉靖重頒爲下不倍闡貴闕疑惟有肅遵祿將誰敢意爲更正但以兩廡會同較其朝代先後之槩則其序置舛錯終亦有不妥於心者如公羊乃周末齊人而

居西三十一則躡東三十二之申張伏勝秦人而居西三十二則躡東三十三之顏噲孔安國仕於漢武而在周末
 禮記之前董仲舒亦仕武帝而在漢初高堂生之上文中
 子瞻人也而躡毛萇周茂叔歐陽永叔皆宋儒也而周躡
 后蒼歐躡杜子春是西漢降於隋宋矣橫渠又躡韓昌黎
 是唐降于宋矣永叔為安定作墓表稱為先生而越居其
 上者六位康侯生於熙寧距安定之卒十五年而禮樂志
 改定位次安定之主反下康侯七位又永叔乃濂溪前輩
 而濂溪之位會典先歐二位禮樂志先歐十一位君實亦
 二程前輩而會典乃反遜程四位又伊川之越明道則以

第先兄元晦之越司馬則以南宋先汴宋薛敬軒生於洪
 武而越宋寧時之陸子靜陽明生當嘉靖而越勝國之許
 平仲近年躡祀羅仲素李愿中部議位次亦不深考漫云
 列揚時下頓使朱元晦呂伯恭蔡仲默皆以後學躡踞其
 上而朱則親受業于李者也其他稍稍倒置尚不具論令
 諸先生在廟之靈幸或陟降而生則服膺其訓歿乃僭躡
 其祀能晏然於此否耶大都議祀典者初既鮮所考訂後
 皆習於因循凡有移祀改祀革祀增祀第以原列東西兩
 廡為定東則躡東西則躡西曾不考世論年東西遞互升
 祔故東廡二十八位之顏何黜即以其次狄黑居之不復

移西二十八位之叔仲會以補其位西廡第六位之公伯
寮黜卽以其次樊遲居之不復移東七位之司馬牛以補
其位東廡之移祀改祀革祀者僅曾皙顏何荀況劉向鄭
衆盧植服虔王肅杜預九人而西廡則顏路蘧伯玉林放
秦冉申黨公伯寮戴聖賈逵馬融鄭玄何休王弼范甯吳
澄凡十四人多寡之數旣懸東西之列一定循次魚貫卽
古今世代之凌躡亦不復計蓋泥於殷周宗廟之制昭常
爲昭穆常爲穆不以南北遞遷以爲禮煩則亂遵古爲簡
不知諸儒從祀率皆隔世寥遠初無祖孫父子之親寧拘
昭穆卽以昭穆論明道伊川兄弟亦何不同昭同穆而東

西相望又復長幼易序吾不知於古禮有合否也古禮先
聖東嚮先師一位配之南嚮三獻官皆西嚮開元王祀孔
子始改其位南嚮而以顏子西嚮獻官序立東廡前行禮
至宋漸增孟子及曾子子思爲四配然而四配亦皆東坐
西向也朱子滄洲精舍釋奠儀亦然蓋西爲先聖舊位避
不敢居今四配東西對列非其舊矣禮時爲大則兩廡亦
以對列爲叙而尊卑從此定焉東西遞互遷躋復又何疑
今旣不可較量爵秩以傷尚德之雅又不敢軒輊德行以
恣月旦之評獨有論世論齒於義爲允秦漢隋唐其世可
考宋元以來譜傳更詳不揣稍爲校正以待將來誼存齒

學或亦可行惟七十二子之齒載籍舊多遺脫即載在家語史記者彼此亦有互異如子游子羽子釜樊遲各差十年有子差二十年叔魚差七年大抵難據自施子以上應姑仍舊但改祀黜祀者東西通融移補其東三十一位之秦非宜晉二十九位而以申顏次之以列秦漢諸儒之前其餘序列如左

兩廡對列考定位圖

東一位澹臺子成明

西一位宓子不齊

東二位原子憲

西二位公冶子長

東三位南宮子

適此下改祀一位曾點

西三位公析子

哀此下改祀一位顏無繇

東四位商子瞿

西四位高子柴此下黜一位公伯寮

東五位漆雕子開

西五位司馬子耕

東六位樊子須

西六位有子若

東七位公西子赤

西七位巫馬子施

東八位梁子鱸

西八位顏子辛

東九位冉子孺

西九位曹子邨

東十位伯子虔

西十位公孫子寵

東十一位冉子季

西十一位秦子商

東十二位漆雕子哆

西十二位顏子高

東十三位漆雕子徒父

西十三位穰駟子赤

東十四位商子澤

西十四位石作子蜀

東十五位任子不齊

西十五位公夏子首

東十六位公良子孺

西十六位后子處

東十七位奚容子歲

西十七位公肩子定

東十八位顏子祖

西十八位鄭子單

東十九位勾井子疆

西十九位罕父子黑 此下 黜二位申黨 句茲

東二十位秦子祖

西二十位公祖子成

東二十一位榮子旂

西二十一位縣子成

東二十二位左人子鄂

西二十二位燕子伋

東二十三位薛子邾

西二十三位顏子之僕

東二十四位原子亢

西二十四位樂子欬 此下黜位顏何

東二十五位廉子絜

西二十五位叔仲子會

東二十六位狄子黑

西二十六位邦子選

東二十七位子蔑子忠

西二十七位公西子輿 如此下改 祀三位 蓬 環 林 放

東二十八位公西子歲

西二十八位施子之常

東二十九位秦子非

西二十九位陳子亢

東二十位申子振

西二十位琴子張

東二十一位顏子喻 此下改祀位孔 鯉 黜二位 苟 况

西二十一位步叔子乘 以先賢 但 仍 舊 禮 由 禮 進 不 敢 更

東二十二位左丘子明 此下 侯 更 定 故 改 黜 不 來 注

西二十二位公羊子高

東二十三位穀梁子赤 以上 周末

西二十三位伏子勝

東二十四位高堂子

生

以上秦漢間人

西二十四位董子

仲舒 漢景帝博士

東二十五位子國子

安國

西二十五位毛子

其 以上武帝時人

東二十六位后子

蒼 宣帝時人

西二十六位杜子

子春 哀平至明帝時人

東三十七位王子

通 隋人

西三十七位韓子

愈 唐人

東三十八位胡子

瑗 宋太宗淳化癸巳

西三十八位歐陽子

修 宋真宗景德末

東三十九位邵子

雍 生大中祥符辛亥

西三十九位周子

惇 願 生天禧丁巳

東四十位司馬子

光 生天禧巳未

西四十位張子

斌 生天禧庚申

東四十一位程子

顯 生信宗明道壬申

西四十一位程子

願 生明道癸酉

東四十二位楊子

時 生皇祐癸巳

西四十二位胡子

安國 生神宗熙寧甲寅

東四十三位羅子

從 生元豐

西四十三位李子

侗 生哲宗元祐癸巳

東四十四位朱子

熹 生高宗建炎庚戌

西四十四位張子

栻 生紹興乙卯

東四十五位呂子

祖 謙 生紹興丁巳

西四十五位陸子

九 淵 生紹興巳未

東四十六位蔡子

沈 生孝宗乾道丁亥

西四十六位真子

德 秀

東四十七位許子

衡 生宋寧宗嘉定

西四十七位薛子

瑄 生皇明洪武巳巳

東四十八位陳子

獻 章 生宣德戊申

西四十八位胡子

居 仁 生宣德甲寅

東四十九位王子

守 仁 生成化壬辰

從祀先賢辯

仲尼弟子子貢擬於辯士貽亂齊霸越之譏宰我溷於闕

止蒙作亂見誅之謗以彼誼存宗國忠衛其君乃受厚誣

若此抑或者賜不受命予訛何誅聖人固豫卜其後而教

勃之若所擬於行行之由者乎然才辯所使義激之過固當異於中行觀過知仁不足深辯前人亦曾辯之其姓名承誤者以薛邦爲鄭國以邦選爲邦異考之家語薛邦字徒邦選字子斂紀載甚明而司馬貞史記索隱亦爲之辯曰漢人諱邦爲國也又曰文翁圖作國選亦避諱也以字繹之訛薛爲鄭緣以左自作右邑隸文之誤今兩廡未改尚稱鄭邦業有知其誤者亦不足辯獨是公孫子石家語稱公孫寵衛人史記則稱公孫龍俱不詳其事實然俱載少孔子五十三歲史記孟軻傳附及趙有公孫龍爲堅白同異之辯而繼之云或曰金孔子時或云在其後則堅白

同異之公孫龍亦未敢信謂受業孔氏之公孫龍也至索隱則直以爲仲尼弟子矣而又曰此云趙人弟子傳作衛人鄭玄云楚人各不能知其真似猶有傳疑之意焉乃宋人不復置疑大加排詆近儒尊宋遂謂當黜其祀以理論之堅白同異倣詭不倫盜名惑世允爲吾道之賊但子石躬事聖人身通六藝不應任誕乃爾循循善誘亦豈其無所取裁而置不屑教以至於流弊不同如吳起初事曾子荀卿派出子夏誠不可知然亦聖遠言湮壞於再傳數傳之後未有身親受業而末路談衰誠淫畔道如白馬非馬之談者又孔子玄孫穿與公孫龍論臧三耳龍不能

屈既與玄孫同時其去孔子必遠何緣得及門牆而與游
夏之徒並稱弟子乎於稽其年龍少孔子五十三歲孔子
生於周靈王二十一年庚戌則龍生敬王二十二年癸卯
距周赧王之立已一百八十四年而龍爲趙公子平原君
之客平原君以赧王五十七年合楚魏之師以存邯鄲而
龍於是時沮虞卿之請封夫使其爲仲尼弟子子石也者
壽殆二百四十餘歲恐無是理家語弟子籍出孔氏古文
當可信所紀公孫寵衛人者良是寵與龍其名既異衛楚
又異春秋戰國又異明係先後兩人而以遷史一字之謬
索隱因合爲一人以誤後學事之可哂莫過於此卽云子

石少事孔子晚年及與穿遊然孔子歿於敬王四十年壬
戌距是時亦二百餘年子思孔子問答儒者尚疑未信而
况穿又七世之孫哉抑或彼子石者延齡久視有出常理
之外亦安得龍鍾垂暮之年而尚曳裾侯門與後生輩競
其齒吻若謂子石實龍非寵家語誤載然古今人同名者
亦自不乏漫焉訛以傳訛正如詭纂夏之羿於陶唐詫殺
人之參於曾母疑叩馬之伯夷復典禮於虞廷稱堯命之
羲和經迎筴於黃帝流言止於智者此之謂矣猶幸歲月
不磨史冊可據如法言之揚雄畢竟非劇秦美新之揚雄
士人忽考究輕詆訛又易隨聲附會遂使吾孔氏之徒與

衍爽尸校慎到淳于髡之流同類而蒙詬者一千六百餘年豈不悲哉張守節正義公孫龍子十四篇顏師古云卽爲堅白之辯者蓋亦未敢執爲仲尼弟子也蓋其誣自小司馬始

啓聖祠原始

宋真宗大中祥符元年十一月封泰山幸曲阜謁文宣王

廟幸叔梁紇堂命官分奠追封齊國公顏氏魯國太夫

人伯魚母并官氏鄆國夫人

封文宣王父母詔曰朕以祗陟岱宗親巡魯甸未懷宣聖之德躬造闕里之度奠獻周旋欽崇備至惟降靈之所自亦錫美之有初像設具存名稱斯闕宜加追命以煥典章叔梁紇宜追封齊國公顏氏宜追封魯國太夫

人遣都官員外郎王勵精虔祭告封鄆國夫人詔曰朕時巡魯罷躬詣孔堂顧風教之所尊舉典章而旣渥眷惟令淑作合聖靈載稽簡冊之文尚闕封崇之數屬茲咸秩特示追崇垂厥方來式昭遺範并官氏宜追封鄆國夫人仍令兗州遣官詣曲阜廟祭告

元仁宗延祐三年七月追封孟子父爲邾國公母爲邾國

宣獻夫人

文宗至順二年九月加封叔梁紇啓聖王顏氏啓聖王太

夫人并官氏爲大成至聖文宣王夫人

詔曰闕里有家系出神明之胄尼山請禱天啓聖人之生聿觀人文敷求往哲維孔氏之有作集群聖之大成原道統則堯授舜傳至周文王論世家則契至湯下逮正考父其明德也遠矣故生知者出焉有開必先克昌厥後如太極之生天地如鉅海之有本源雲仍旣襲於上公之封考妣宜眎夫素王之爵於戲君子之道考而

不謬建而不恃於以敦典而叙倫宗廟之禮愛其所親敬其所尊於以報功而崇德尚篤其慶以相斯文齊國公叔梁紇加封為啓聖王魯國太夫人顏氏加封啓聖王太夫人加封大成至聖文宣王夫人詔曰我國家惇典禮以彌文本閨門而成教乃曉素王之廟尚虛元媿之封有其舉之斯為盛矣大成至聖文宣王妻并官氏來嬪聖室垂裕世家籩豆出房自流風於殷禮琴瑟在御存燕樂於魯堂功言邈若於遺闡儀範儼乎其合德作爾禕衣之像稱其命鼎之名噫秩秩彝倫吾欲廣關睢鵲巢之化皇皇文治天其興河圖鳳鳥之祥可特封大成至聖文宣王夫人

順帝元統三年五月贈顏子父無繇為杞國文裕公母齊姜氏為齊國端獻夫人妻宋戴氏為兗國貞素夫人改塑杞國公像冕九旒服九章祀堯一夫人各建殿祀於曲阜

國朝

世宗肅皇帝嘉靖九年令兩京國子監及天下學校通建啓聖祠祀孔子父叔梁紇以先賢顏無繇曾點孔鯉及孟子父激公宜配享堂上宋儒程珦朱松蔡元定俱從祀兩廡

先是弘治元年吏部尚書王恕請立祠廟祀啓聖王以杞國公顏無繇萊蕪侯曾點泗水侯孔鯉邾國公孟孫氏配享永平伯程珦獻靖公朱松從祀大抵因侍講學士程敏政之議禮官持不可遂已十四年侍郎魯鐸復議如前亦不合至是從輔臣張總之請詔天下學校俱建啓聖祠其配享從祀俱如前疏又用桂華議併蔡元定從祀程桂

議見前登正疏

今上萬曆二十二年增周輔成從祀啓聖祠

從湖廣撫按郭惟賢等議也○藻按孔庭從祀賢儒蓋有三等親炙聖門身通六藝其一道德著聞人倫師表其二綜述遺經發明聖教其三即今見在祀典諸儒固無論已罷祀若鄭玄鄭衆盧植服虔范甯皆經師也吳澄人師也而嘉靖釐正悉罷而祀于其鄉周氏輔成也樂經術視諸子不知何如而從祀啓聖乃徧於天下之學校議禮者似嚴於孔庭之侑食而稍寬於啓聖之錫類也未學不取妄議第謂人師經師若康成草廬者而已祀復罷又如唐之孔穎達宋之游呂胡楊國朝之吳曹羅湛諸君子允為一代儒英率能闡翼遺經紹明聖統然而不得與程朱周三子之父共歆秩祀萬世學者儻亦有人廟興感而致疑於軒輊之未審者乎

位次

正祀

啓聖公孔氏

叔梁紇鄒大夫黃帝之後至帝嚳生契封於商賜姓子氏殷帝乙之長子微子啓受周封為宋公四傳至湣公

共生弗父何讓國於弟而世為宋卿其曾孫正考父三命滋益恭者也生孔父嘉始以孔為氏嘉生木金父避華督之難奔於魯金父生祈父祈父生孔防叔為防大夫是生伯夏伯夏生叔梁紇紇九女而無子其妾生長子曰孟皮有足疾不任繼祀乃求婚於顏氏顏氏禱於尼山以魯襄公二十二年十一月庚子生孔子即周靈王之二十一年也宋大中祥符元年封孔子父叔梁紇為齊國公元大德十一年加封啓聖王國朝因之嘉靖九年改今稱○聖門志贊水精慶祚勇力長驅神監尼阜瑞吐玉書丹山威鳳滄海明珠啓聖百代天壤與俱

配享

先賢顏氏

東一位

史記顏無繇字路家語作顏繇字季路為魯卿士孔子始教於闕里而受學焉娶齊姜氏生子回為聖門高弟唐開元贈杞伯從祀孔庭宋大中祥符加封曲阜侯元元統加封杞國公謚文裕嘉靖九年改今稱祀啓聖祠

○宋高宗御製贊人誰無子爾嗣標奇行爲世範學爲人師請車誠非顧匪其私千載之下足以示慈 丁謂贊素王將聖實爲我師顏子殆庶趨庭學詩請車無媿陋巷安卑追榮侯服逢此上儀

先賢魯氏 西一位

家語魯點曾參父字子皙史記作曾轍字皙唐贈宿伯從祀孔庭宋大中祥符加封萊蕪侯嘉靖改從今祀○宋高宗御製贊惟時義方有子誠孝怡怡聖域俱膺是道暮春舞雩詠歌至教師故與之和悅宜紹 丁謂贊侍坐魯堂各言其志舍瑟而對超乎冉季浴乎舞雩詠歌道義遇我慶成錫璫進位

先賢孔氏 東二位

鯉字伯魚孔子年十九娶宋之弁官氏二十仕魯委吏生伯魚適昭公以鯉魚賜孔子遂名鯉榮君賜也先孔子卒宋崇寧贈泗水侯咸淳從祀孔庭嘉靖改從今祀○聖門志贊商王啓祚微子開先周召是訓詩禮並傳父作至聖子述上賢天倫慶殖奕葉萬年

先賢孟孫氏 西二位

激公宜魯公族也娶仇氏生軻三歲而孤母有三遷之教今鄒縣孟廟有斷機堂祠焉元延祐中封亞聖父邾國公母邾國宣獻夫人嘉靖從祀孟孫氏於啓聖祠○高士傳孟母贊母何聖善能教則然墓市學宮非可屢遷女士若休示學靡全成此名儒莫由已焉

兩廡從祀

先儒程氏 東一位

珦字伯溫洛陽人顥願之父也克已爲義內行惇飭崇正闢邪侔南安軍識周茂叔于獄掾而友之使二子受學焉熙寧時以詆新法罷仕終大中大夫贈永年伯嘉靖九年祀○明張朝瑞贊束身飭行嗇已寵義歷官一介成子兩驥清節表世新法抗議甲會熙恬公參其四

先儒朱氏 西一位

松宇喬年發源人熹父也嘗師羅從彥紹興官吏部員外郎兼史館校勘以詆和議出補旋卒學者稱韋齋先生元至正追謚獻靖尋封齊國公嘉靖九年祀○聖門志贊蚤挾才思尋酣道腴追宗河洛抗直權輿授子三友為世大儒標美
父鵠蔚然華秀

先儒蔡氏 東二位

元定字季通建陽人沈之父也薦召不仕事晦菴以黨禁死道州所著有律呂新書燕樂原辨皇極太玄潛虛指要洪範解八陣圖說大衍詳說嘉定中贈迪功郎謚文節學者稱西山先生嘉靖九年祀○聖門志贊學嘗啖齋行不愧影說理精瑩涉道要領腹笥百家情田萬頃箕裘者三丹青彪炳

先儒周氏 西二位

輔成道州營道人惇願父也仕桂嶺令萬曆二十二年以楚中撫按言列從祀○張朝瑞贊周族繁衍營道為盛昆友聯翮諫議獨憂六舉成名
花封試政篤生碩儒俎豆啓聖

祀典存疑

藻按宋以來顏曾子思配享堂上顏路曾皙伯魚從祀兩廡自洪邁姚燧以為崇子抑父而熊禾遂謂宜別設一室祀叔梁紇遷三子以配焉我

朝程敏政亦主其說嘉靖釐正業已通行無庸異議然而尚有疑者孔庭從祀四配尚矣十哲次之兩廡漸降至啓聖祠推及所生似又降焉以曾皙學見大意欲修禮教夫子善之顏路魯之卿族少夫子六歲而能折節受業子淵之死至不能具槨以請子車此其羔羊素絲之節與夫師友一體之誼有可想見然則一二賢之在聖門固俱所謂高

足弟子也維子之故而俾之侑享別祀曾不得躋於公夏
句井諸公以寓目於金聲玉振之樂似與近世地封之貴
若是班者他弗具論曾子之孝也而忍遠其親以已之賢
而降其祀躬侑乎四配之列以爲榮始必不然卽顏氏一
姓庶祀六人安知其中不更有父兄在而獨遷顏路此亦
顏子之心所未安也唐以前第配顏子固以好學不惰殆
庶之詣獨冠群賢故耳其餘有繪無祀暨貞觀乃列子夏
於經師開元漸躋十哲元豐咸淳漸增四配而兩廡賢儒
之祀遂徧天下於是乎子祀堂上父祀廡下之議興焉而
抑孰知子祀廟庭父配別祠禮之隆殺非特堂上廡下之

判而已乎王子充曰曾子子思仍宜降居父下是也然而
無可以處顏子者顏子配食自曹魏正始迄今固不可降
而曾思孟又皆聖道嫡傳四百年來與顏並配天下莫或
以爲非藉弟令配顏而降曾子降思孟萬世學者之心必
不謂憚惟是配之爲義則有可得而論者配者神之主也
郊特牲云大報天而主日方氏以爲天尊而無爲故以日
爲之主猶之王燕飲則主以大夫王嫁女則主以諸侯是
則所謂主也祭義云大報天而主日配以月陳澔以爲有
其祀必有其配猶祀社必配以勾龍氏祀稷必配以后稷
氏是則所謂配也祭必有主所謂自外至者非主不止也

主無二配所謂郊廟之尊明不敢瀆也有虞氏禘黃帝而郊嘗殷人禘嘗而郊冥周人園丘之禘以帝嘗配感生之祭以后稷配曲禮疏云后稷爲天地之主文王爲五帝之宗則祀皆一配而已故西漢惟以高祖配天東漢惟以光武配帝唐初三祖迭配至乾封兪配而韋縉非之宋初二祖二宗迭配至皇祐以太祖太宗兪配而楊旼非之開元嘉祐卒定一配之制我

國朝諸大享祀恪遵古典亦僅一配而孔庭沿宋四配制獨異焉夫謂吾夫子之居歆藉諸賢爲之主也將必不爾抑謂禮隆聖師誼同天道由卑達尊有取於配如祀天之

必配以祖者乎則一之已足禮不貴多貞觀二十二賢開元十哲與夫進曾子於十哲之次當時第名從祀不謂配享殆猶行古之道而未可謂爲未備之禮也竊思配之有四大抵以道統論自顏子而外曾思孟遞演宗傳是故祖仲尼而宗四配禮同宗廟制異郊丘則夫堂上之配自是後學隆道之懷非關昔賢展親之典敬有所專七十子俱望下風路誓伯魚卽抑在兩廡亦無所拘必欲拘以分誼豈惟路之于回誓之于參伯魚之于伋彼七十子者大抵以子思視之皆父執以孟子視之皆前輩也而儼然躡蹠其上雖倫殊父子而禮存齒胄則師友淵源之漸克類至

義亦必有柅而今不盡論固知重在道統則庶祀俱可相安不必崇其子而故遠其父也且夫路誓伯魚以視激公宜則又有間矣觀孟母三遷之教於今爲烈卽激公宜刑家之範亦自可思躋祀非濫然而可以配啓聖未必可以班三子三子者品高狂簡人爲升堂入室之英學嗣箕裘祀有同堂異室之典以賢以齒兼以子爲大賢卽升之四配之上俾父子祖孫衍饗一堂以昭千古獨盛之典似不爲過或者更可以妥聖賢之靈乎但配義無取於多而溢祀反嫌於瀆故昔宋景濂之議以爲天下學校宜祀顏曾思孟其餘各及邦之先賢雖七十二子之祀在所當罷而

第於國學設之引唐開元禮國學通祀七十賢諸州但配先師顏子爲證亦一義也第有其舉之終莫敢廢今之配享既殊古典頗類宗祊而祭止春秋上下亦非古者學官四時釋奠之禮竊謂宜倣景濂之意稍增飾之而春秋第祀顏曾思孟歲卜一日進七十子於堂而通祀之如古者祫祭之禮而以路誓位於子淵子輿之上還伯魚於舊位暫以思孟居七十子之次餘儒仍祀兩廡祀畢則別爲一室以藏其主誼或兩全顧不知其可行否也若疑復聖宗聖述聖亞聖之尊不宜更以先賢加乎其上則封號本自勝國聖賢亦豈以是爲輕重哉每思兩廡羣賢自論語家

語記載而外嘉懿泯滅師儒秉鬯大抵憶姓名於彷彿所稱几筵椽桷如見其人入戶愾然如聞嘆息者總不可強顧不如唐人僅祀經師誦其書修其祀典猶或申如在之敬也

國朝崇儒議禮屢有損益欲妥三子之祀故增啓聖之祠實借啓聖之尊以見三子雖配他祠禮無貶於兩廡抑亦祀海先河明教天下以孝故與其增躋配位而道統不專毋寧推尊叔梁而聖孝益廣

廟謨淵微或者爲是要於其當孔子萬世師也故天下學校可以通祀漢諸帝立廟罷國則議者率以爲壙啓聖之

有祠有配有廡也以爲隆吾孔孟程朱之道也歟哉乃孔孟程朱之道卽羲軒堯舜湯文之道羲軒堯舜湯文此數聖人者實開道統之傳然自帝王廟一祀之外禮不推及所生卽皇師帝師王師祀在文華殿亦非太常所領而獨以素王之徒當此推崇曠典蓋當年議禮諸臣一切推息自出有不覺錫類之太廣焉者莊誦

聖諭僭王號則削僭八佾十二籩豆則減雖禮音務極褒尊顧制節謹度其防不假而惜乎諸臣之仰承德意其稽考猶有所未盡也凡天下所以徧祀孔氏之徒者重其道

也重道則必其纖悉之不違而道近瞿布衣亦不安於三
賢啓聖之配又謂林放公孫尼琴張牧皮孟懿子武伯俱
弟子當祀顏冉顏何不當黜王元美謂八佾十二簋豆不
當減大成殿之名不當改與宋景濂位向庭燎獻醋諸議
皆鑿鑿乎有據者存其槩俟秉禮者審焉

頽宮禮樂疏卷二終

